

eskrituretatik bigarreanean, fundazioaren estatutuak aldatu ziren; beraz, azkenik, hona hemen hizpide dugun fundazioaren estatutuen testua, osorik eta zuzena: -----

"EUSKALTZAINDIAREN ALDE FUNDAZIOA FUNDACIÓN PRO EUSKALTZAINDIA-REAL ACADEMIA DE LA LENGUA VASCA" FUNDAZIOAREN ESTATUTUAK. -----

I. KAPITULUA. XEDAPEN OROKORRAK. -----

1. artikulua. Sorrera, izena eta iraupena. -----

"EUSKALTZAINDIAREN ALDE FUNDAZIOA FUNDACIÓN PRO EUSKALTZAINDIA-REAL ACADEMIA DE LA LENGUA VASCA" izenarekin eratzen da kultura- eta gizarte-arloetako fundazio bat, pribatua, eta iraunaldi mugagabearekin. -----

2. artikulua. Araubide juridikoa, nortasuna eta gaitasun juridikoak. -----

Fundazioak nortasun juridikoa du, berezkoa eta bereizia, eta gaitasun juridiko nahiz jarduteko gaitasun erabatekoak izango ditu. Ez du muga gehiagorik izango fundatzaileek eratze-egintzan adierazitako nahian, estatutu hauetan eta ezargarri zaizkion lege-xedapenetan jaso direnak baino; bereziki, ekainaren 17ko 12/1994 Legean jaso direnak -Euskal Autonomi Elkarteko Fundazioei buruzkoan-. --



3. artikulua. Fundazioaren helburuak betetzea. -

Aurreko artikuluan bildu diren mugekin, fundazioaren helburuak betetzea, bai eta helburuon inguruko gainerakoa ere, fundazioaren patronatuari dagokio. -----

4. artikulua. Lurralde-eremua. -----

Fundazioak jardungo du Euskal Herrian, gehienbat Euskal Autonomia Erkidegoan. -----

5. artikulua. Egoitza. -----

"EUSKALTZAINDIAREN ALDE FUNDAZIOA FUNDACIÓN PRO EUSKALTZAINDIA-REAL ACADEMIA DE LA LENGUA VASCA" fundazioak Bilbon izango du egoitza, Plaza Barrian, 15. zenbakian. Nolanahi ere, patronatuak geroago alda dezake hori. Fundazioak, egitekoak aurrera eramateko, establezimenduak eta bulegoak jar ditzake beste herri batzuetan, patronatuak horrela erabakitzen badu. -----

6. artikulua. Helburuak. -----

Fundazioaren xede nagusia "Real Academia de la Lengua Vasca/Euskaltzaindia" erakundearen helburuak

zein jarduerak bultzatzea izango da.-----

Xede hori burutzeko fundazioak zehazki:-----

-Erakunde publikoen eta pribatuen laguntza eta
elkarlana sustatuko du.-----

- "Real Academia de la Lengua
Vasca/Euskaltzaindia"-k eginiko lanak zabalduko
ditu. Horretarako lankidetzak loturak ezarriko ditu
bai Europar Batasunarekin eta bere estatukideekin,
bai bestelako estatuarekin (euskaldunek horietan
agerpenik badute), bai autonomia-erkidegoekin, bai
akademiekin eta institutu nahiz erakunde publiko
zein pribatuarekin (estatu barrukoak zein
nazioartekoak).-----

- "Real Academia de la Lengua
Vasca/Euskaltzaindia"-ren jardunak enpresa-zientzia-
ekonomia, eta, oro har, kultura alorreko pertsona
ospetsuekin uztartuko ditu.-----

-Euskal hizkuntzaren alde lan egiten duten
taldeen eta pertsonen iritziak, esperientziak,
joerak eta ekarpenak bideratuko ditu eta horretarako
batzarrak, ikastaroak eta sinposioak antolatuko
dira.-----

- Bultzatuko ditu, batetik "Real Academia de la
Lengua Vasca/Euskaltzaindia" informazioaren eta



HERRI ADMINISTRAZIO
ETA JUSTIZIA SAILA
Fundazioen Erregistroa
DEPARTAMENTO DE ADMINISTRACIÓN
PÚBLICA Y JUSTICIA
Registro de Fundaciones

komunikazioen teknologia berriak erabiltzera -
informazioaren eta jakintzaren gizartean-, bestetik,
hizkuntza baliabideen azpiegitura eraketa eta
hizkuntza-corpusa gizarteari ekartzea.-----

-Gainontzeko edozein ekimen eta ekintza
fundazioaren xedek lortzeko bada.-----

7. artikulua. Xedea aurrera eramatea.-----

Fundazioaren xedea zein jarduerak osatu, eta
jarduerok fundazioak gauzatu ditzake egoki deritzon
moduan; horien artean, beste erakunde edo
organizazio batzuetan parte hartu. Eta, egiteko
horretan, ez du beste mugarik izango legean ezarri
direnak edo estatutu hauetan bildu diren
xedapenetatik ateratzen direnak baino.-----

Ildo horretatik, fundazioaren xedea burutuko da,
legean zehazten diren mugen barruan, horrela:-----

a) Fundazioak berak burutu dezake zuzenean, bere
organoen bitartez; horretarako, jarduera-egitarau
bati jarraituko dio, eta, jarduera-egitarau hori,
patronatuak aldian-aldian prestatu eta onetsi



HERRI ADMINISTRAZIO
ETA JUSTIZIA SAILA
Fundazioen Erregistroa
DEPARTAMENTO DE ADMINISTRACIÓN
PÚBLICA Y JUSTICIA
Registro de Fundaciones

beharko du. -----

b) Zeharka burutu daiteke, beste erakunde, sozietate edo organizazio batzuetan parte hartuta. -

c) Beste fundazio, elkarte, kooperatiba edo sozietate batzuk edo bestelako erakundeak sortuta edo sortzen lagunduta, legean aukera hori ematen bada. -----

d) Beste erakunde edo pertsona juridiko nahiz fisiko batzuen jardueretan parte hartuta, horiek, nola edo hala, fundazioaren xedek betetzen lagunduko badute, bereziki, fundazioaren inguruan. -

e) Helburu horrekin, fundazioak laguntza ekonomikoak, aholkularitza eta lankidetzak profesionala ekarri edo eman eta jaso ditzake. Era berean, fundazioaren helburuok betetzeko, legatuak, dohaintzak eta diru-laguntzak eman daitezkeen sustatuko du. -----

II. KAPITULUA. KIDEAK. -----

8. artikulua. Fundazioaren partaideak. -----

Fundazioaren partaideak kide sortzaileak (fundatzaile ere deituak), atxikiak edo ohorezkoak izan daitezke. -----

9. artikulua. Kide sortzaileak. -----

Fundatzaileek eskritura publikoari sortze-



gutunaren izaera eman diezaioke, eta, hartara, beste pertsona fisiko edo juridiko batzuk atxiki daitezke fundatzaile izateko; hala izango da, eratze-eskrituran atxikitzea gauzatzeko zein epe zehaztu eta epe horretantxe. Epea, gehienera ere, hiru urte izango da, eratze-eskritura egiletsi denetik hasita. -----

Fundatzaile izateko atxikitze-eskaerak, aldez aurretik ezarri den epearen barruan, patronatuko kideen hiru laurdenek onetsi behar dituzte, eta patronatuak berak zehaztuko du, hala denean, zein den izangaiek egin beharreko diruzko ekarpena. -----

10. artikulua. Kide atxikiak. -----

Eratze-eskritura egiletsi ondoren, baita aurreko artikuluan ezarri den epea igaro ondoren ere, fundazioari pertsona fisikoak eta juridikoak atxiki dakizkioke, atxikitako kide gisa, berorien jarduerak edo ekarpenak fundazioaren helburua erdiesten lagundu ahal badute. -----

Atxikitzeko eskaerak, aldez aurretik aipatu

dugun izaera dutenak, patronatuko kideek gehiengo osoarekin onetsi behar dituzte. Patronatuak ere zehaztuko du, hala denean, zein den izangaiek egin beharreko diruzko ekarpena. -----

11. artikulua. Ohorezko kideak. -----

Patronatuak ohorezko kideak izenda ditzake pertsona fisikoak edo juridikoak, modu nabarmenean fundazioaren xedea erdiesten lagundu edo laguntzen badute. -----

Den-denek eratuko dute, hala bada, fundazioaren ohorezko patronatua. -----

III. KAPITULUA. GOBERNU-, ORDEZKARITZA- ETA ADMINISTRAZIO-ORGANOAK. -----

12. artikulua. Patronatuko batza. -----

Patronatuak beteko ditu, modu eksklusiboan, fundazioaren ordezkaritza, gobernua eta administrazioa, eta zeregin horretan ez du muga gehiagorik izango indarreko xedapenetan jaso direnak baino. Patronatuak beteko ditu fundazioaren jarduera eraginkortasunez burutzeko, Zuzenbidearen arabera dagozkion ahalmen eta gaitasun guztiak; besteak beste, estatutu hauek interpretatzea. -----

Aurrekoa gorabehera, patronatuak bere kide bati edo batzuei, baita kanpoko pertsona bati edo batzuei



ere, pertsonak fisikoak zein juridikoak izan, eskuordetzean eman diezazkioke bere ahalmen eta gaitasun guztiak edo batzuk. Salbuespen dira kontuak eta aurrekontuak onestea, baita fundazioaren ohiko kudeaketa baino harago doazen egintzak edo Babesletzaren baimena behar dituzten egintzak ere. -

Goiko lerroaldean aipatu diren mugekin, patronatuak batzorde ordezkari edo batzorde betearazle bat edo batzuk eratu ditzake, unean-unean zehazten diren ahalmenekin, eta ahaldun orokor edo bereziak izendatu, egitekoak eta erantzukizunak mankomunatuak nahiz solidarioak izanda. -----

Eskuordetzeak eta ahalduntze orokorrak, auzitan ibiltzeko direnak izan ezik, baita ezeztapenak ere, Fundazioen Erregistroan inskribatu behar dira. -----

Patronatuko kideek kargua doan beteko dute. Hala ere, lanak eragindako gastuen ordaina jaso dezakete, gastuok behar bezala zuritu badituzte. -----

Adierazitakoari kalterik egin gabe, patronatuak fundazioaren izenean kudeaketak edo bestelako

jarduerak egiteko ardura eman diezaioke gobernu-
organoko kideren bati edo gainontzeko bati, eta,
halakoetan, betetzen dituzten zereginekin bat
datozen ordainak emango dizkie. -----

Patronatuko kidearen karguak bost urte iraungo
du, nahiz eta berriro hauta daitezkeen mugarik gabe
ondoz-ondoko aldietarako, iraunaldi berberarekin. --

Patronatuko kide izatea ezin da inoiz ere
eskuordetzean eman. -----

13. artikulua. Patronatuko batzaren eskumenak. -

Ordezkaritza-, xedatze- edo administrazio-
ahalmenetan, zentzurik zabalenean hartuta,
patronatuak edozein motatako egintzak edo negozio
juridikoak buka ditzake, eta ez du beste mugarik
izango legeetan ezarritakoak baino. Gainera,
fundazioko kideek urtero egin behar dituzten
ekarpenak ere zehaztuko ditu. -----

14. artikulua. Patronatuko batzaren osaera. ----

Patronatuko batza hamabi kidek osatuko dute,
gutxienez, eta hogeita lauk, gehienez. La Real
Academia de la Lengua Vasca-Euskaltzaindia
erakundeak patronatuko lau kide izendatuko ditu. ---

Patronatuko batzaren lehenengo kideak eratze-
eskrituran izendatuko dira, estatutu hauen xedapen



iragankorrean ezarri denarekin bat etorritz. -----

Behin patronatuko lehenengo batza eratzeko epea igaro denean, patronatuko hurrengo kideak izendatuko dira estatutuen 21. artikuluan agindu denari jarraituta. -----

15. artikulua. Presidentea. -----

Patronatuak presidente bat hautatuko du bere kideen artetik, eta horrek patronatuaren deialdia egingo du, bere ekimenez edo bere kideen heren batek eskatuta, eztabaidak zuzendu eta erabakiak betearazi. -----

Patronatuko presidenteak, organo horren kide izateagatik dituen ahalmenak eta estatutu hauetan ematen zaizkion ahalmenak ez ezik, fundazioaren ordezkari izateko ahalmena ere badu, patronatuko batzaen eta fundazioaren beste organo batzuen erabakietatik ateratzen diren egintzak eta kontratuak egiten direnean, bai eta sortzen diren gatazketan, espedienteetan, administrazio- eta gobernu-arazoetan eta epaiketa barruko zein kanpoko

arazoetan ere, horietan salatzaile, salatu nahiz beste edozein alderdi izan gorabehera. Halakoetan, gaitasuna du prokuradoreei edo abokatuei ahalorde orokorrak emateko, auzitan jardun dezaten. -----

16. artikulua. Idazkaria. -----

Patronatuak bere kideen artetik idazkari bat izendatuko du, eta bera arduratuko da fundazioaren administrazio-lanak zuzentzeaz, agiriak zaintzeaz, eta bileren aktak idazteaz. Akta horiek akten liburuan transkribatuko dira, behin onetsi eta presidenteak oniritzia eman dienean. Patronatuak ordainsaria ezar dezake, egoki baderitzo, idazkari-lanetan aritzeagatik. -----

17. artikulua. Presidenteordea. -----

Patronatuak presidenteorde bat izenda dezake bere kideen artetik, presidentea ez dagoenean edo gaixorik dagoenean presidenteak eskatuta hura ordezteko. -----

18. artikulua. Diruzaina. -----

Patronatuak bere kideen artetik diruzain bat izenda dezake patronatuak zehazten dituen lanetan aritzeko. Ordainsaria ere ezar dakioke, nahi izanez gero. -----

19. artikulua. Funtzionamendu-araubidea. -----



Patronatuak urtero bi bilera egingo ditu, gutxienez. Urteko lehenengo hiru hilabeteetan nahitaez bilduko da ohiko aurrekontuaren likidazioa eta aurreko ekitaldiaren balantzeari onesteko, aurtengo jardueren oroitidazkia onesteko, eta kontuak emateko, patronatuak aurkeztu dituen kontuen gainean.-----

Deialdiak presidenteak egingo ditu, bilera izan baino hamar egun lehenago, gutxienez, eta modu eragingarrian. Deialdietan eguneko aztergaien zerrenda egon behar da.-----

20. artikulua. Eraketa eta erabakiak hartzea. --

Patronatua baliozkotasunez eratuko da, lehenengo deialdian, bere kideen erdia gehi bat agertzen denean eta, bigarrenetan, bertaratu den kide kopurua edozein delarik.-----

Goragoko lerroaldeetan xedatu dena alde batera utzita, patronatua deituta joko da eta baliozkotasunez eratuko da kide guztiak bertaratu direnean eta aho batez erabakitzen dutenean bilera

egitea.-----

Erabakiak gehiengoz hartuko dira, boto kopurua kontuan hartuta. Hurrengo kasuak salbuespen dira: --

a) Estatutuak aldatzeko edo fundazioa bat-egiteko edo azkentzeko erabakiak; patronatuko kideak izendatzeko erabakiak, izan patronatua handitu delako, izan kideak ordeztu direlako edo hutsik dauden tokiak bete direlako; eta fundatzaile izateko atxikitzeak onesteko erabakiak. Horietan, patronatuko kideen hiru laurdenen aldeko botoa, gutxienez, behar da.-----

b) Beste edozein erabaki, baldin eta beste quorum bat edo aldeko botoen beste gehiengo bat eskatzen bazaie.-----

Presidentearen botoak berdinketak ebatziko ditu.

21. artikulua. Patronatuko kideak izendatzea eta hutsik dauden tokiak zehaztea.-----

Patronatuko kideen kopurua handitu behar denean edo jadanik dauden kideak ordeztu behar direnean, batzak berak hartuko du erabakia, eta, horretarako, bere kideen hiru laurdenek aldeko botoa eman behar dute.-----

Patronatuan tokirik hutsik gelditzen bada heriotzagatik, ezgaitasuna edo gaikuntzarik



ezagatik, zein epetarako izendatu eta epe hori
igarotzeagatik, dimititzeagatik edo kargutik
kentzeagatik, edo beste edozein arrazoi dela-eta
kargua utzi denean, batzak berak hartuko du
erabakia, eta, horretarako, bere kideen hiru
laurdenek aldeko botoa eman behar dute.-----

Horren harira, patronatuan tokirik hutsik
badago, patronatuak beste kide batzuk izenda ditzake
edo, aukeran, hutsik dauden tokiak bete gabe utzi,
betiere, kontuan hartuta patronatuak gutxienez
hamabi kide izan behar dituela.-----

Arauketa horretatik kanpo daude patronatuko
kideak, baldin eta Euskaltzaindiak izendatu behar
baditu, Euskaltzaindiari dagokiolako kideak
izendatzea modu eskusiboan.-----

IV. KAPITULUA. FUNDAZIOAREN XEDEA ETA
ONURADUNAK.-----

22. artikulua. Xedea eta onuradunak.-----

Fundazioaren xedea interes orokorraren
zerbitzura dago, eta fundazioaren onuradun izan

daitezke pertsona naturalak edo juridikoak, ezelako bereizkeriarik gabe. -----

Fundazioak bere onuradunei zenbatekoren bat ordaintzea galdatzen dienean berak ematen dituen zerbitzuak direla-eta, fundazioak zehaztuko du nor diren onuradunak soil-soilik zenbateko horren ordainketari begira. Halaber, fundazioak ematen dituen zerbitzuak nolakoak diren ikusita onuradunen kopurua mugatu behar denean, fundazioaren patronatuak zehaztuko eta hautatuko ditu modu ezeztazinean, kontuan hartuta izangaien merezimenduak, beharrianak, gaitasun ekonomikoa eta aprobetxatzeko aukerak; edo beste ezaugarri objektibo batzuei erreparatuta. Edozelan ere, inork ezingo dio eskatu fundazioari edo bere organoei, ez banaka, ez taldeka, onura horiez gozatzea, oraindik onurak onartu ez bazaizkio, ezta pertsona zehatzei esleitzeko ezarri ere. -----

V. KAPITULUA. ONDAREA ETA ARAUBIDE EKONOMIKOA. -

23. artikulua. Fundazioaren ondarea. -----

Fundazioaren ondarea edozein motatako ondasunek eta eskubideek osa dezakete, indarreko legerian onartzen badira. -----

Fundazioaren ondarea osagai hauek izango ditu: -



HERRI ADMINISTRAZIO
ETA JUSTIZIA SAILA
Fundazioen Erregistroa
DEPARTAMENTO DE ADMINISTRACIÓN
PÚBLICA Y JUSTICIA
Registro de Fundaciones

a) Hasierako zuzkidura, eraketa-eskrituran jasotakoa.-----

b) Kide fundatzaileek eta atxikitako kideek egindako ekarpenak eta ordaindutako kuotak, arruntak eta apartekoak; eta fundazioko kideek borondatez ordaindu dituzten kuotak eta egin dituzten ekarpenak, arruntak eta apartekoak.-----

c) Beste edozein ondasun edo eskubide, fundazioak aurrerantzean eskuratzen duena, kostu bidez nahiz doan, erakunde publikoek edo pribatuek eta norbanakoek egindakoak; bereziki, diru-laguntzak, dohaintzak, jarauntsiak edo legatuak. Dohaintzak, legatuak edo jarauntsiak onartu direla Babesletzari jakinarazi behar zaio.-----

d) Fundazioaren ondarearen fruituak edo errentak, ekoizkinak edo etekinak, baita fundazioaren jardueretatik ateratakoak ere, eta ematen dituen zerbitzuen ordainsariak, indarreko legeriarekin bat etorriz.-----

24. artikulua. Ondarea babestea.-----

Fundazioaren ondarea babesteko, hurrengoak hartuko dira kontuan:-----

a) Fundazioaren ondarea osatzen duten ondasunak eta eskubideak fundazioaren izenean egon behar dira, bere inbentarioan agertu, eta, hala behar izanez gero, erregistroetan inskribatuta egon.-----

b) Ondasun higiezinak eta/edo eskubide errealak Jabetza Erregistroan inskribatuko dira fundazioaren izenean. Gainerako ondasunak, inskribatzeko modukoak badira, bakoitzari dagokion erregistroan inskribatuko dira.-----

c) Baloreak gordailuan utziko dira patronatuak zehaztutako finantza-establezimenduetan. Beste ondasun higigarri, jabetza-titulu eta gordailu-agiri guztiak, bai eta jabaria, edukitza, erabilera, gozamina edo fundazioaren beste edozein eskubide egiaztatzen duten agiriak ere, patronatuak edo bere eskuordetzea duen pertsonak gordeko eta zainduko ditu.-----

d) Fundazioaren ondasun eta eskubide guztiak liburu-erregistro batean zerrendatuko dira, inbentario batean, eta patronatuko idazkaria izango da horren arduraduna.-----

e) Ekainaren 17ko 12/1994 Legearen 22.



artikuluan zerrendatzen diren egintzak Fundazioen Erregistroan jasoko dira; dena dela, beste erregistroren batean ere inskribatuko dira, hala dagokienean.-----

25. artikulua. Araubide ekonomikoa.-----

Patronatuak urtero-urtero burutuko ditu, alde batetik, Fundazioaren ondare-egoera, egoera ekonomikoa eta finantza-egoera jasoko dituzten inbentarioa, egoera-balantzea eta emaitza-kontua; eta, beste aldetik, fundazioaren helburua betetzen ari dela azaldu eta frogatzen duen eta ekitaldi ekonomikoari dagokion oroitidazkia. Oroitidazkiak finantza-taulak, eta ondarean eta gobernu- edo zuzendaritza-organoetan izandako aldaketa guztiak jasoko ditu.-----

Horrez gain, Patronatuak hurrengo ekitaldirako gastu eta sarreraren aurrekontua prestatuko du urtero-urtero, oroitidazkiarekin batera, Babesletzari hori aurkezteko indarrean dagoen legeriaren arabera.----

Gastu eta sarrera arruntak jasotzen dituen



HERRI ADMINISTRAZIO
ETA JUSTIZIA SAILA
Fundazioen Erregistroa
DEPARTAMENTO DE ADMINISTRACIÓN
PÚBLICA Y JUSTICIA
Registro de Fundaciones

aurrekontuan agertuko dira Fundazioak edozein kontzepturengatik eskuratzen dituen sarrerak, eta sarreraren soberakinak Fundazioaren ondarea handitzeko erabili ahal izango dira.-----

Ekitaldian zehar, Patronatuaren Batzak aldaketak egin ahal izango ditu aurrekontuan, horiek beharrezkoak badira aurrekontua kasuan-kasuan sortzen diren beharrianetara egokitzeke.-----

Patronatuak aurrekontu bereziak prestatuko ditu jarduera bereziak burutzeko beharrezkoak direnean. Aurrekontu guztiek, arruntek zein bereziek, orekatuak izan beharko dute.-----

Fundazioaren sarrerak ekainaren 17ko 12/1994 Legearen 30. artikuluan xedatutako aginduen arabera erabiliko dira.-----

Ekitaldi ekonomiko bakoitzaren lehen hiruhilekoan, Patronatuak aurreko ekitaldiko aurrekontu arruntaren likidazioa eta balantzea egingo ditu, eta ekitaldi horretako jardueren eta kudeaketa ekonomikoaren oroitidazkia ere bai; oroitidazki horrek behar besteko informazio bilduko du Fundazioaren helburua gauzatzeari eta Fundazioaren ondarearen egoerari buruzko ikuspegia lortzeko.-----



VI. KAPITULUA. ALDAKETA, BAT-EGITEA ETA
AZKENTZEA. -----

26. artikulua. Estatutuak aldatzea. -----

Patronatuak estatutu hauek alda ditzake sorrerako xedea hobeto betetzeko komenigarria den guztietan. Aldatzeko erabakiaren alde, gutxienez, kideen bi herenek eman behar dute botoa. -----

27. artikulua. Bat-egitea, elkarketa edo
federazioa. -----

Patronatuak erabaki dezake, halaber, Fundazioa antzeko xedeak dituzten beste erakunde batekin edo batzuekin batzea edo federatzea, baldin eta horrekin sorrerako xedea behar bezala zainduta gelditzen bada. Erabakia hartzeko, beharrezkoa izango da kideen bi herenek horren aldeko botoa ematea. -----

Bat-egitearen kasuan, erabakia arrazoitua izango da, eta Babesletzaren onspena izan beharko du indarrean dagoen legeriaren arabera. -----

28. artikulua. Azkentzea. -----

Fundazioaren azkentzea gerta daiteke honako

arrazoi hauek tartean izanik: -----

a) Ondarearen likidazioa. -----

b) Legezko xedapen baten ondorioz eta ebazpen
judizial irmoaren ondorioz Fundazioa desegiten
denean. -----

c) Aurreko artikuluan ezarritakoaren arabera
bat-egite prozesua erabakitzen denean. -----

d) Fundazioaren baliabideen eskasia edo beste
edozein arrazoi dela medio, estatutu hauetan
jasotzen diren aginduen arabera, Fundazioaren
helburua betetzea ezinezko gertatzen denean, salbu
eta Patronatuko kideen hiru laurdenek estatutuak
aldatzea edo beste fundazio batekin bat egin edo
elkartzea erabakitzen dutenean. -----

29. artikulua. Prozedura. -----

Fundazioa azkentzeko, espedientea irekiko da,
eta, bertan, honako hauek jasoko dira: -----

a) Horretarako zioaren azalpen arrazoitua. -----

b) Fundazioaren balantzea. -----

c) Likidatzaileak izendatzeko proposamena, eta
jardunbiderako eta Fundazioaren ondarearen edo
horren salmentaren ekoizkinen banaketarako
proiektua. Aipatutako banaketa edo esleipena
Patronatuak burutuko du, ondare horren onuradun



HERRI ADMINISTRAZIO
ETA JUSTIZIA SAILA
Fundazioen Erregistroa

DEPARTAMENTO DE ADMINISTRACIÓN
PÚBLICA Y JUSTICIA
Registro de Fundaciones

beste fundazio edo erakunde publiko zein pribatu batzuk izendatuz, antzeko helburuak badituzte eta azkendu den fundazioaren antzeko helburuak bete ahal badituzte. -----

XEDAPEN IRAGANKORRA: -----

Estatutu hauen 14. artikuluan ezarri denari salbuespen egiteko, lehenengo patronatuko batza SEI kidek osatuko dute, gehiagorik ez, eta, asko jota, 2016ko abenduaren 31 arte izendatuko dira. Sei kide horiek, fundazioa sortzeko unean, "REAL ACADEMIA DE LA LENGUA VASCA/EUSKALTZAINDIA" erakundearen gobernu-batzarrean hitza eta boto-eskubidea duten kideak izango dira. -----

Nik, notarioak, fede ematen dut akta honetan idatziz jaso den guztiaz, akta bera idatzita dagoela paper tinbreduneko hamabi foliotan, eta folio horiek N sailekoak direla, 4130194 zenbakikoa eta hurrenez hurreneko hamaikak. -----

Notario eskueslearen zeinua, sinadura eta errubrika, eta notariotzaren zigilua. -----



EUSKO JAURLARITZA
GOBIERNO VASCO

HERRI ADMINISTRAZIO
ETA JUSTIZIA SAILA
Fundazioen Erregistroa

DEPARTAMENTO DE ADMINISTRACIÓN
PÚBLICA Y JUSTICIA
Registro de Fundaciones

BERE MATRIZEAREN KOPIA da, bertan adierazita
geratzen dela. Eta, eskritura zuzenduaren kopiari
laguntzeko, berau luzatzen dut N saileko hamabi
foliotan, zenbakiak beronena, eta, hurrenez hurren,
ondorengo hamaikaak direla. Bilbon, egilespen-
egunean bertan.- FEDE EMATEN DUT.-

